



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<20>> մարտի 2019թ.

Ո Ր Ո Շ ՈՒ Մ No. 411/02-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ԳՐԻԳ ՇԻՆ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԳՐԻԳ ՇԻՆ>> ՍՊԸ-ի (ՀՎՀՀ 00477487, հասցե՝ ՀՀ ք. Երևան Երկաթուղայինների փ. 4 փ. 23, պետ. գրանցման համարը՝ 278.110.1020882) <28> փետրվարի 2019 թվականի դրությամբ չկատարված հարկային պարտավորությունը կազմել է 2.025.907 դրամ, որից ապառք՝ 1.660.106 դրամ, տույժ՝ 185.577 դրամ, տուգանք՝ 180.224 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <28> փետրվարի 2019 թվականին ընկերության տնօրենը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և նշվածի վերաբերյալ որևէ բացատրություն չի տվել:

Սույն որոշման մեջ ներառված չեն 2018 թվականի հոկտեմբեր ամսվա եկամտային հարկի և սոցիալական վճարի ամսական հաշվարկով առաջադրված 42.488 դրամ պարտավորությունները, որից եկամտային հարկ՝ 4.165 դրամ (ապառք՝ 3.875 դրամ, տույժ՝ 290 դրամ) սոցիալական վճար՝ 38.323 դրամ (ապառք՝ 35.650 դրամ, տույժ՝ 2.673 դրամ): Նշված պարտավորությունների վերաբերյալ առկա է 13.02.2019 թվականի թիվ 3236-2 Ա գանձման որոշումը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **1.983.419 դրամ**, որից՝

ավելացված արժեքի հարկի գծով պարտավորությունը կազմում է **1.807.447 դրամ**, որից ապառք՝ 1.479.606 դրամ, տույժ՝ 164.579 դրամ, տուգանք՝ 163.262 դրամ, որն առաջացել է 2018 թվականի օգոստոս, սեպտեմբեր ամիսների ավելացված արժեքի հարկի և ակցիզային հարկի հաշվարկներից, հարկերը սահմանված ժամկետում չվճարելու հետևանքով ՀՀ հարկային օրենսգրքի 401-րդ հոդվածով հաշվարկված տույժերից, 2018 թվականի օգոստոս, սեպտեմբեր ամիսների ավելացված արժեքի հարկի և ակցիզային հարկի հաշվարկները սահմանված ժամկետում չներկայացնելու հետևանքով՝ ՀՀ հարկային օրենսգրքի 402-րդ հոդվածով հաշվարկված տուգանքից.

եկամտային հարկի գծով պարտավորությունը կազմում է **158.277 դրամ**, որից ապառք՝ 125.350 դրամ, տույժ՝ 15.965 դրամ, տուգանք՝ 16.962 դրամ, որն առաջացել է 2017 թվականի հունիս, հուլիս, օգոստոս, սեպտեմբեր ամիսների եկամտային հարկի և սոցիալական վճարի ամսական հաշվարկներից, հարկերը սահմանված ժամկետում չվճարելու հետևանքով ՀՀ հարկային օրենսգրքի 401-րդ հոդվածով հաշվարկված տույժերից, 2018 թվականի հուլիս, օգոստոս, սեպտեմբեր ամիսների եկամտային հարկի և սոցիալական վճարի ամսական հաշվարկները սահմանված ժամկետում չներկայացնելու հետևանքով ՀՀ հարկային օրենսգրքի 402-րդ հոդվածով հաշվարկված տուգանքից.

սոցիալական վճարի /ամսական/ գծով պարտավորությունը կազմում է **17.695 դրամ**, որից ապառք՝ 15.625 դրամ, տույժ՝ 2.070 դրամ, որն առաջացել է 2018 թվականի հունիս, հուլիս, օգոստոս, սեպտեմբեր ամիսների եկամտային հարկի և սոցիալական վճարի ամսական հաշվարկներից և <<Կուտակային կենսաթոշակների մասին>> ՀՀ օրենքի 71-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ԳՐԻԳ ՇԻՆ>> ՍՊԸ-ից գանձել **1.983.419 դրամ** պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի/կամ ֆիզ. Անձի/ պաշտ. Անձի անուն ազգանուն

ամսաթիվ